

道光遵義府志

志卷三十五

傳三

忠節

孝友

行義

藝術

忠節

明

周

正

通志作鎮按陳志選舉作正與高巖山崇禎四年碑題名合今從之

郡人萬

歷戊午科武舉歷功任直隸遵化參將崇禎己巳

大兵入大安日正戰死之

陳志

闔家殉難事聞封墓贈祭

通志

按劉時俊渝城功罪紀略俊使將官周鎮傳諭石永

高永高遣其親信土目樂富出降亦有意殺樊龍矣

據此天啟二年復重慶正亦與有功

王達 郡貢生除湖州府通判值安奢反情亟桑

梓就武棄文改貴州都司職恢復遵義進勦水西同  
黔撫王三善殉難大方奉旨卹贈耐祭貴陽忠臣廟

子夢麟以靖難由呈本府常三錫准從祀鄉賢

陳志

袁鑿 仁懷人官遊擊天啟二年死奢寅之難勅  
建忠勇祠祀之事詳工官傳

陳王謨 郡人總兵陳一龍子任撫標中軍授副將

職崇禎十年流寇自陝陷蜀謨督兵禦賊血戰死之  
請於朝耐祭忠臣廟官其弟王政爲千戶

陳志

殉節諸

臣錄 副總兵陳王謨 乾隆四十一年

賜諡節愍

按綏陽柳公祠有舊碑爲萬曆壬子建其題名有生員陳王謨知王謨乃綏陽諸生

傅學明 綏陽人任廣西都司征猺戰死贈榮祿大

夫

綏陽志

何忠 綏陽人任成都府教授甲申張獻忠陷蜀

忠夫婦對縊於署同上

陳元二 綏陽人姚黃賊犯綏周宗彥與賊戰城外

元二死之今其地名揀尸橋即死處也

新採

王選 王之琴 冉國柱 皆遵義永安里人應

知縣王佐聖募爲鄉勇頭目吳上賢之寇各率家丁  
鄉兵禦於宣峰堙眾寡不敵皆力戰死崇禎十五年  
四月也越月里人建祠於戰沒處以三人配食佐聖  
請於叛黨絕業中給近田三十畝以供祭賽

殉難錄

### 國朝

劉祺 綏陽人弱冠請纓忠貞自許順治四年大  
師抵遵祺率兵效順委以參將職協守遵義適湄龍  
殘寇猖獗祺以孤軍禦賊於昌蒲塘血戰死之順治  
十五年復遵士民公呈府縣獎以烈先開闢忠著巖

疆云

陳志

李篤生 綏陽諸生本姓程

大兵平蜀篤生詣京師上書授爵慶令陞江西寧州知州  
耿逆之亂攻州危急篤生遣子懷印走南昌身殉城

死賊平蔭其子

綏陽志

李成芳 郡人由選貢官江西寧州州同值吳逆叛  
芳領兵禦賊遇害事

聞贈布政司參議遣官致祭蔭一子入監

陳志

江紀 遵義武舉官雲南守備乾隆三十一年調  
征緬甸以十二月十八日與賊戰尾霸兵潰死

遵義紀聞

周華 郡人長寨營把總從征金川攻昔嶺陣亡

題祀原籍昭忠祠

張起雲 郡人仁懷營外委從征金川攻師刀安山

梁陣亡題祀原籍昭忠祠

杜榮貴 郡人平越營外委從征金川攻沙耳泥如

寨陣亡題祀原籍昭忠祠

張王魁 郡人遵義營外委從征金川攻達爾圖山

梁陣亡題祀昭忠祠

王全 郡人平越營把總從征金川攻木思工噶

喀口山梁碣卡陣亡題祀原籍昭忠祠

張文鰲 郡人畢赤營把總從征金川攻資哩寨陣

亡題祀原籍昭忠祠

楊萬玉

郡人遵義營把總從征台拱攻台雄陣亡

題祀昭忠祠

杜雲龍

郡人遵義協右營外委嘉慶元年從征小

竹山逆苗陣亡二年四月題祀昭忠祠

詹廷才

郡人遵義協右營把總嘉慶二年從征興

義逆苗閏六月初五日攻馬鞭田陣亡三年五月題

祀昭忠祠

王志德

郡人遵義協左營把總嘉慶二年從征興

義逆苗閏六月十二日攻黃草壩陣亡三年五月題



祀昭忠祠

嚴文章 余允仲 並郡人遵義營外委嘉慶二年  
從征興義逆苗閏六月初八日攻馬鞭田陣亡三年  
五月題祀昭忠祠

康 謨 郡人平越營外委嘉慶二年從征興義逆  
苗六月初五日攻黃草壩陣亡三年五月題祀原籍  
昭忠祠

李登雲 郡人仁懷營外委嘉慶二年從征興義逆  
苗攻背寶碕陣亡題祀昭忠祠

張文魁 郡人遵義協右營把總陞安義鎮標千總

嘉慶三年從征湖北教匪二月十二日攻沙溪灣陣亡四年六月題祀原籍昭忠祠

張朝甫

郡人遵義協右營把總嘉慶三年從征四

川教匪六月二十日攻蘭埡場陣亡四年六月題祀

昭忠祠

曾之義

郡人仁懷營千總嘉慶三年從征四川教

匪五月十三日攻青岡埡陣亡四年六月題祀昭忠

祠

趙榮

郡人貴陽營把總嘉慶三年從征四川教

匪五月初九日攻三清廟陣亡四年六月題祀昭忠

祠

楊洪新 郡人湖北竹溪營遊擊嘉慶四年調征四  
川教匪十二月二十九日戰於新寧縣之野鴟池陣  
亡五年閏四月題祀原籍昭忠祠

熊 泰 郡人遵義營外委嘉慶五年從征陝西教  
匪十一月十四日攻五郎廳之四畝地陣亡六年七  
月題祀昭忠祠

陳安邦 遵義縣武舉隨本協右營效力道光十八  
年冬從征仁懷縣方家溝陣亡二十年題祀昭忠祠  
李 舜等 乾隆六十年從征銅仁逆苗陣亡遵義

兵丁三十三名李震蔣雲魏國臣余得陳起祥楊元  
戴剛梁福徐建敖李良才康洪義謝雲崔廷柱王順  
邦蔡倫周奉李永元汪貴楊朝貴姜明皮元貴張國  
成李文耀趙洪遠朱聖雲程魁何林李大貴孔林陳  
茂連王開泰宋雲宗劉勝萬嘉慶二年三月題從祀  
昭忠祠

曾之貴等 嘉慶元年從征小竹山逆苗陣亡遵義  
兵丁七名曾之貴姜學賢王斌李向榮趙茂劉雲楊  
能信嘉慶二年四月題從祀昭忠祠

張 俸等 嘉慶元年普安營從征小竹山逆苗陣

亡原籍遵義兵丁五名張俸杜如柏方朝佐王文彩  
嚴廷祖嘉慶二年四月題從祀原籍昭忠祠

張文等 嘉慶二年從征興義逆苗陣亡遵義兵

丁三百六十四名張文曾之信朱文進劉現倫周金  
堂余臣吳雲劉福熊學元芑天位王自成蔣清徐光  
祖史思禮黃永貴張永德傅永星文陞湯雲朝余相  
鍾正揚李正國蘇雲貴鍾榮先王永詹廷標馬貴鄧  
朝志張文奉李銘謝國松趙洪得張得趙定遠陳正  
相楊兆魁周國相黃俸趙毓純王國卿戴廷用姜正  
元王維林王文明張玉全王從讓胡士龍張國林周

國世羅懷勝李如明王澤雲陳國申呂全田太和郭  
昭何玉余廷邦姚文貴周俸奇皮元福陳容馬正邦  
李洪元王奇奉徐在位吳王朝汪金堂劉自洪蔡國  
柱周貴奇龔聖誥任宗會曾奉先王如啟楊國璽韓  
奉連田洪順鄭學忠趙林張文華劉朝佐唐國明張  
國才周廣世李倫郭開文萬應舉姜雲王國奉王從  
義何文輝邱世雲曾之龍楊信李洪得潘貴高貴傅  
克倫陳于新周世祥張明德陳泰李天祿康義魏得  
志張華清余思得趙得華賀運元李得勝程金榜楊  
志貴張天福鄧文魁唐子安吳廷棟石顯貴陳殿世

魏之洪趙啟盛劉才黎正乾孔貴冉雲王得文姚文  
玉易倫姚文魁胡占得蔣輝祖張啓瑞唐文理范汝  
福龐登舉李世雲胡林夏邦興鄭文光張蘭芳鄭華  
陳文王洪李士聰楊登朝任宗貴李正雲范正理鍾  
大任孫得方胡開相唐子寬謝玉樹葉大明李桂陳  
學焦連申楊明李正華謝文華王貴楊珍康俸趙得  
雲羅思明陳正橋劉錦陳維秀趙華席登甲謝貴鄧  
胡敏周元惠譚大珩李仕貴呂大銑鄧儒學張玘傅  
代聰李柱周貴劉玉趙宗俊劉起漢毛元理梁廷玉  
鄧汝桂王思廉郭廷璽陳天奉龐登科胡開盛胡元

崇石珩尤勝元金洪趙金印吳世雲陳維奉劉正雲  
尹才胡開惠申雲趙啓貴龔以順李占祥蔣林康寧  
傅成得張鳳敖楊申蔣學鄭文亨周元富李維秀黃  
應得周國順余占元張玉貴李秀貴蕭必華丁福李  
起貴王大明李林葉秉義韓奉明邊正相王志廷梁  
奉康訓孔繼先湛玉貴陳文岡李明相徐貴張錦華  
李耀祖劉耀福楊清王元張貴熊玉貴李天成田洪  
道汪純戴得張士高廖一明周雲姚蕩有姜國賢劉  
廷宣邱貴梁正倫陳文斌李秀唐源深周道矩夏子  
先陳國珩陳維明胡梅蔡全寵登魁王以仁王志新



陳維得李連申張國朝劉宗金玉貴陸光祖席登敖  
劉坤周之奉朱貴劉志貴王仕魁劉起才陳思元陳  
尙倫王連楊成魏雲魏得元胡元成劉朝仲李大朋  
吳世貴廣申熊宗扶聖言任坤吳松陳廷龍李之雲  
劉元劉得先華倫趙毓贊陳方明李作柱劉奉扶聖  
義王如仲王國柱司貴田成姜大順李天福周起雲  
張世選趙桂羅王李全趙宗信李國和任勳康貴蕭  
廷順龍申汪揚周安世龐盛張連葉應元鄧汝猷陳  
大雲朱文榜夏正奇簡昌遂王維龍賈國柱徐仁劉  
起龍祝其玉劉正雲唐新元范廷蘭唐元文周國卿

馮文開張文明廖應龍龐登祥王以明杜丕基胡開  
栢陳問學陳維林陳殿貴胡開甲韓奉級曾子友黃  
廷舉周祖貴王申陳連張錦貴金雲先冉文文連申  
曾全嘉慶三年五月題從祀昭忠祠

蕭玉貴等 嘉慶二年從征湖北教匪陣亡遵義兵  
丁十名蕭玉貴楊耳受汪雲馬文貴王正喜陳金玉  
張仕位馬正國刁正貴劉桂嘉慶三年五月題從祀  
昭忠祠

盧光貴等 嘉慶三年從征四川教匪陣亡遵義兵  
丁六十五名盧光貴王士貴唐世林周昆奇鍾國學

王天貴何正旺楊文道趙昆吳得貴馬應學曾林龐  
登貴楊奇扶天得馬元張登第謝文華馬一貴陳文  
元魏杰徐維奉馮曰才王中貴邊應魁趙凡唐士雲  
馬得榮陳之祥姜世臣廖應山劉陞段子乾王朝貴  
張曰得陳國新唐世位劉方士張成祖傅華王從貴  
葉尙仁李貴張仲姜天貴胡錫貴文在揚孫得勝姚  
明段子達陳安禮曾定魁謝華王占元徐光耀孫奉  
蕭文如劉會萬榮章古玉貴王金貴席元萬張聖祖  
鄭元李瑞嘉慶四年九月題從祀昭忠祠

王希仲等 嘉慶四年從征甘肅陣亡遵義兵丁二

名王希仲馬正倫嘉慶五年題從祀昭忠祠

劉時泰嘉慶四年從征四川教匪陣亡遵義兵丁  
嘉慶五年閏四月題祀昭忠祠

黃應貴等嘉慶四年從征陝西教匪陣亡遵義兵

丁二名黃應貴周月和嘉慶五年題從祀昭忠祠又  
嘉慶五年從征陝西教匪陣亡遵義兵丁一名余照  
元嘉慶十一年四月題從祀昭忠祠

何元等嘉慶五年從征四川教匪陣亡遵義兵

丁七名何元朱國友王明熊槐羅申楊林王文剛嘉  
慶六年七月八年四月兩次題從祀昭忠祠

韓登舉等 嘉慶六年從征陝西教匪陣亡遵義兵  
丁四名韓登舉周元魁梁元申凌志昆嘉慶七年題  
從祀昭忠祠

陳章等 嘉慶六年從征四川教匪陣亡遵義兵  
丁十名陳章徐光榮何文得陳榮曾之貴張大朋楊  
申廖貴黎在貴朱連國嘉慶七年九月九年四月兩  
次題從祀昭忠祠

楊希泰 嘉慶七年從征四川教匪陣亡遵義兵丁  
嘉慶七年題從祀昭忠祠

戴廷棟 嘉慶六年從征陝西教匪陣亡遵義兵丁

嘉慶八年四月題從祀昭忠祠

曹貴等 嘉慶八年從征四川教匪陣亡遵義兵  
丁五名曹貴陳奉李維奉陳福文宗貴嘉慶八年九  
月題從祀昭忠祠

盧貴州等 嘉慶八年從征陝西教匪陣亡遵義兵  
丁三名盧貴州任福馬申嘉慶九年十一年兩次題  
從祀昭忠祠

曾文玉 嘉慶九年從征陝西教匪陣亡遵義兵丁  
嘉慶十一年四月題從祀昭忠祠

並檣冊

孝友

明

楊長春 遵義人楊端裔幼以孝友聞長立軍功授

副將明末退隱山林四世同居百口共爨年踰八十

足跡不履城市督耕教子咸有孝友遺風

陳志

吳岑 遵義人以公平孝友聞不樂仕進子早亡

撫孤孫教之成名義方之訓閭里稱焉

同上

鄭宣 正安諸生其父紹雍病醫視知其不起宣

焚香籲天剖左股和藥以進遂愈後父卒枕塊寢苫

廬於墓側

陳志

李榮祿 父母先後病榮祿割股救之既榮祿病妻  
王氏復然王氏病二子俱復然夫妻母子一門敦孝  
時人競稱

尹知明 父早喪撫弟知朗知清成立婚配以自置  
田業分給之子尚春亦以己產分姪聘娶時稱義門  
並同上

余文元 桐梓諸生母丁氏病危割股療之病瘳有  
司旌其門祀孝弟祠巴川舊志

張景明 桐梓人其綱子博學篤行與父偕隱親病  
輒虔禱求以身代衣不解帶藥必親嘗及父母死哀



毀骨立節

志節

趙文明 桐梓人性孝友常遇文和道人指吉地與之曰葬此後必發文明曰若然當與兄弟共之因製生塋葬親及已與兄弟

新採

李神童 綏陽人生五月能言七歲通經義不山師授下筆成文性至孝父早亡與母相倚母病貧不能醫典身於鄉豪豪憐其誠而助之母卒不能葬泣血死時年十一鄉人爲之營葬縣令朱由挺表其墓立

祠祀之

通志

張顯光

仁懷人母病醫藥罔效晝夜憂泣頂經進

香叩禱於神母病以愈縣令旌其孝

陳志

附割股救親桐梓庠生李中極庠生王寅庠生令

狐衍王賈良王李郁江先陳朝王方天戟蔡惟忠

並邱志仁懷李琮

陳志

### 國朝

唐一元 遵義人年十三割股救父以純孝聞平生

撫孤助婚葬賑饑寒出金帛爲人贖身還田土不索

償義舉甚多年六十八

終陳志

張士傑 遵義人字柱石南川縣籍避亂居遵少失

怙恃惟兄是依行必隨食必候事必請命兄沒諸姪

皆教養婚娶友愛之誼化及一郡

通志

王奇爵 郡廩生穎悟能文應歲薦辭歸不就生平

善事親奇爵歿後數十年其間安視膳之節閭里猶

稱述之子又旦登鄉薦

通志

李瀛 字萊仙孟生子遵義諸生讀書一過不忘

性嚴介其弟淮尤父母鍾愛嬰重疾瀛刲股救之有

遠人爲家傭二十餘歲死計工資斂葬之餘以買田

施茶山渡其不欺隱微皆類此

家譜

李又青 字尙友綏陽諸生性至孝母病篤諭以戒

葷祈病母卒又青終身茹素爲人恬淡正直見遺金

於路不顧而去年五十五卒

綏陽志

彭琬

綏陽廩生三歲失怙長通儒術與妻楊氏

以善事母聞從兩兄遊成都營膏火給兩兄肄業數年歸讓祖父遺產悉爲兄有教子娛年凡族中無力婚嫁者琬夫婦視爲己任鄉黨時周恤之邑令表以好行其德

黃元旦

綏陽人父母早沒弟四人俱撫育婚配均

給以所置之產邑令以友于兄弟表之年八十

並同上

趙懋孝

字士孺遵義人幼喜讀書不事操作以諸

兄皆力農乃以已受產讓之終身課徒爲業有鬻族

子爲人奴懋孝贖歸撫成授室割田令自耕以養年  
八十一卒子鳳鳴貢生孫天賦印江訓導天開諸生  
天民副貢曾孫商齡錫齡元孫廷璫亦成秀孝人以  
爲積善之報云

李桂山 字伯襄鳳翔子父病篤割股救之以愈後  
復病仍割仍愈其祖瀛卒桂山以寒冬樹碣表夜常  
伏墳而泣一日有烏數百翔鳴墓上人咸以爲孝感  
云子爲進士庶副車

蘇公源 字文湧桐梓拔貢嗣於叔嗣母性嚴每不  
悅即撻之公源必跪請罪或半日或終日必求母悅

而後起

胡智德 正安州民幼貧好學困於童試兄弟相繼  
先亡父歿力耕養母母多病刻侍湯藥夜焚香祝天  
祈延母壽兄弟各遺孤一次兄乏嗣惟寡嫂存並貧  
不自給母憐寡媳孤孫尤甚智德務順母心每事必  
先經紀嫂娣家而後及己家漸以豐母壽至八十卒  
智德益以周急爲事之貧者食之乏衣者衣之施濟  
靡不至壽九十三歲

李如桂 李如梅 遵義人父八十八歲時患癱兄  
弟躬親調侍衣不解帶者兩年早喪母事繼母事求

順意繼母至九十一歲始卒嘗語人曰二子之事我勝事父也平生兄不在弟不食弟不在兄不飲卽鄉鄰燕會亦必兄弟偕行族之無依里之無告者常量力活之年皆七十餘卒

何良俊 遵義布衣規矩先民事多違俗父母相繼死廬墓六年燈燼成堆每家祭雖老必躬先祖考墓請歸享令兒子牽馬已左右隨作扶持狀謂迎精而返也鄉人目爲何酸年七十卒其子際明亦以孝義聞良俊病篤際明嘗糞驗之人咸以爲難及

馮思準 遵義諸生與弟思深飯必共行必俱夜則

並坐燈右互舉一日所行相勉於善老而彌篤思深  
亡悲慟成疾越年亦死臨終書曰存心立品敦倫讀  
書勤儉十字以遺子姪

馮如淵 桐梓監生性友愛弟爲商盡失其產如淵  
復以已產分半給之他任卹族鄰多類是

並公舉事實



行義

明

韓應臣 字卓庵綏陽人 生萬曆庚子 孝友端方 樂善好施 遭戊巳兵荒 流亡載道 不惜家貲 周恤鄰里 相依存活 甚眾 綏陽至正安之大道 竭力捐修 至今

賴之

綏陽志

蘇蜀俊 桐梓人 篤於繼母 力行善事 終其身 嘗誠其子曰 吾自計生平所行 仿佛前人者 僅十餘事 而

已

新採

國朝

楊春榮 遵義歲貢事繼母數十年如一日性好施親族待舉火者眾歲饑常罄所有以拯窮貧不能償者輒焚其券鄉黨欽之

公舉事實

張時魁 桐梓人持身以禮遇公事身爲之倡至老不怠邑令福以鄉人之善康熙六十年

贊耆老

絹帛時魁年最高膺首榮焉年九十無疾卒子睿以

醫濟人孫祀衍列賢書

卯志

侯汝和 桐梓人以敦族聞有族姪愷幼失怙恃好學而家貧汝和教養之後愷成舉人

金璽 桐梓貢生素守清貧康熙己丑於南關外

拾金五十兩覓其主還之

王宏詩 桐梓諸生營市物賈人謾多與宏詩歸而  
知之亟走返之年九十餘五世同堂

金曰瑄 字虞瑞乾隆丙子桐梓舉人邑 文廟圯

久當事者苦難修置之曰瑄倡捐力募功賴以成又  
以文昌宮無焚獻費撥他寺之贏者入之城南舊有  
橋爲水圯曰瑄捐修因無溺人仁懷有手爬巖極險  
艱於行曰瑄一力修爲廣坦生平善舉多類是官終  
永從教諭年九十卒

馬文燦 遵義人故貧其弟婦悍父使析居父沒以

勤起家弟仍貧令同居宅近有地名合口當兩水合處故有石橋圯數十年人苦涉文燦獨力復建之遭巨漲復圯擬更建弟以費奢阻文燦即欲分產賣之作費不令累弟弟無如何乃別相地礎加高橋成費倍於前毫不募助人咸義之

黃永泰 遵義布衣敦古不疑弟於兄嚴於子家本裕歲除家計悉以濟人以居近少讀書捐建文昌宮即兩廡爲學舍延師教讀家之喪祭不作佛道略遵程朱家禮其妻死永泰服齊衰人咸譏笑永泰自如也

袁文選 仁懷貢生與弟文蘇至老友愛逾篤石堡  
寺渡口漲時人涉歲多溺者文選捐資置渡數十年  
人咸利濟更於巖門捐置義地聽人磨焚貧者復與  
之棺每歲歛卽開倉賑濟年四十無子聘何氏女爲  
適室後聞已孕因壻貧父母乃改字力却之贈壻金  
令完娶鄉里咸稱長者

袁文蘇 字若海仁懷監生家富好善設塾教族隣  
子弟之貧者時期助鄉人之不能婚葬者凡屬義舉  
不辭其艱長灘爲邑之極崎嶇路行者盡足文蘇  
隻力掘開上下二百餘里悉成坦途人尤以爲雜云

家有東園蜀人王昌年爲作記云袁子若海家黔南  
萬山中峰巒泉石旣獨據其奇特復於宅之東偏引  
水鑿池壘山峙石堂軒臺榭各因地構扶欄翼之宛  
轉交通溝水日夕循除流游魚鳧鷺唼芰荷間花  
木松篁掩映翳藹其清幽又特甚焉子來輒留作數  
日樂間與若海上下其議論其人軒濶寬厚識見溺  
蓬家庭敦睦無間言鄉之人愛而信之有所作取一  
言以爲所嚮其才蓋有過人者以予之愚不諧於俗  
而若海與予交久而且敬亦若獨契予愚而有取於  
愚者夫以若海之才而年力精健宜若可以見於世

乃耽玩林園惟尋花覓草是務而罔及其他其果痴  
好之若是歟抑亦有所託以逃也予嘗謂古今之需  
才孔亟其求之也蓋若渴而汲汲以應其求者每不  
足以副其用而可用者或不竟其才或一試而罷又  
或並不爲人所知而不見用之于世今觀若海蓋以  
嘆深山窮谷之懷奇抱智沉溺枯稿終老其身而沒  
沒無聞者又何可勝道也哉因爲作記各綴以詩並  
圖其大略若輞川平泉俾游者知其途徑未游者亦  
可得其概焉

並公舉事實

藝術

明

傅天鎮 桐梓人生嘉靖間性穎悟通經史以楊晉  
禁讀書遂不應舉一意於醫術有一七活人之妙名  
滿滇黔秦蜀間安車之迎席不暇暖著有增補金鏡  
錄手驗方各若干卷川撫劉某爲錢木行世年百歲  
乃終子孫仕宦不絕邱志按天鎮卽元和父

李紹霄 博學多通心好奇計三廉六遁之術皆練  
習劉綬之人播也聞其學請爲參謀二月奏凱紹霄  
與有功後綬征遼東固請紹霄同行病卒軍中綬以



紹霄平播時功上聞勅賜金令扶櫬歸葬今墓在南

溪口側柏林中新探

國朝

宦廷臣 字仲良遵義廩生性憺靜謂太平之世惟

良醫能多活人因殫精岐黃家言實有心得愈人不

受絲毫謝自言生平治病不外古方惟變化在心故

驅遣如意一女病痢服峻劑僵已半月診得元氣陷

且將脫用補中益氣湯愈一縣令病鼓脹求治切診

之曰不治矣然可四月活用金匱腎氣湯重加人參

脹消果四月卒一婦臨產不生且大便閉九日診得

中氣不升用大劑補中益氣湯生而症悉平一病痼  
至二便閉十餘日診得前藥破氣太多用濟川煎重  
加肉苁蓉愈一病陰寒便閉十餘日診得下太早用  
理陰煎調麻油生蜜愈一病黃腫癰臥者八年用五  
味異功散投之命二人用艾炷更灸自頭至足日干  
餘壯灸十日其足十指尖自流濃黃汁汁盡腫消而  
起一產後兩目失明診得血虛肝強大用補血平肝  
之劑三月目復故廷臣醫法類有原本如此嘗刻瘡  
痢三方謂可補前賢所未著按方施治無不效焉傳

鄭學山

遵義諸生名仲僑以字行孟顯五世孫家

豪於貲其父菘早沒母宋以獨子善病令稍知醫乃  
盡發方書研究積年有所得力欲以活人爲事聞有  
世傳驗術不遠千里持厚貲羅而受之曾買一秘集  
方二十餘首至酬以二百金一日寓大足縣吳林山  
寺偶病市遠難得藥有先來寓稱張先生者聞呻吟  
曳草履大杖排戶入長身粗鬚眉氣貌可畏問何患  
爲汝診其輕也如蟬翼之帖葉其重也若沒潭而抉  
石出一丸令服遂起過談先生曰汝知切乎曰粗學  
之曰切何爲名曰以息候脉名耳先生曰噫太淺彼  
男女之交也其切之意乎以我之精遇彼之神其淺

深進退視吾指猶迹也是親切之謂也天地之大度  
著於寸深於尺惟人亦然以我尺寸印彼尺寸其合  
也不間毫髮是剗切之謂也理數交融醫乃有權且  
汝之所謂息者何曰呼吸之氣脉者何曰穴之動先  
生曰噫大誤天地之氣爲霾爲曠爲風火爲雷雹是  
天地病也而其運行也自若人之病亦然今以汝呼  
吸定人之病則必汝氣遲緩急數也而謂人脉遲緩  
急數若此而藥之是汝身病而令人口服藥也人之  
不死於汝病者幾希哉因再拜稽首請受教先生曰  
噫難且從我三月當有悟從三月先生別去乃歸其

學大進絕口不道方脈有知者遇急延之雖中夜大風雪必卽往往無不活者常曰十失三吾不肯受十失二吾不敢當其失二三之間乎母早病勞咳以法調之愈至壽九十始沒生平性慷慨所居困倉環四牆花果竹藥周四五十畝來告饑者指某園呼奴子量若干斛去告急者出囊藏卽令之稱四方客過其家烹羊宰肥或時作十日之飲告去知其貧必有所資而其自奉一布袍數十年食飮兩蔬而已晚歲其子文清請著醫法貽後曰是道必知其意不可以言求也僅以傷寒證治口授之臨卒出貸券約萬金付

一炬曰子孫才能自食不才滋害人耳年六十三

鶴撰傳

通志

卷三十五

五

通志卷三十五

遵義府志卷三十六

列傳四

列女賢明 貞烈

遵義巴蜀舊鄙自馬義趙華三貞著範至今敦厚好義流風滋永賢媛淑女代標壺則婦道無奇蓋其上也其次堅操烈節令聞者懦立頑震皆足光名教厲風化撫拾次之豈容軒輊惟

朝廷旌例已定年限今錄完節存沒可泯蓋亦緣迹晦人微易就埋滅亟予表章庶伸苦志未由博訪則亦忽諸才執非婦人所尙苟有聞者亦不棄菅蒯以殿卷



餘至公舉有徑行不字終身爲老女者迥非貞節甘  
外人倫概所不取用絕異端

賢明

漢

先絡

先一  
光

華陽國志蜀志符縣下曰永建元年十

二月縣長趙祉遣吏先尼和拜檄巴蜀守過成瑞灘

瑞水經  
注作湍

死子賢求喪不得女絡年二十五有子五歲

以還

六字依水  
經注增

乃分金珠作二錦囊繫兒頸下至二

年二月十五日尚不得喪

四字依水  
經注增

乃乘小船至父

沒所哀哭自沉見夢告賢曰至二十一日與父屍俱

出至日父子浮出縣言郡太守蕭登高之上尚書遣  
戶曹椽爲之立碑以旌誠孝也五字依水經注增人爲語曰  
符有先絡熨道張帛求其人天下無有其偶者矣

宋

進士趙之才妻牟氏范器撰墓志銘彤史職廢淑

德懿行泯而不傳有能碣石墓側者亦庶幾矣鄉人

趙允兄弟奉其母之喪以狀丐銘詞甚哀予其何以

辭孺人姓牟氏隱君諱里仁之女進士趙之才之配

其先蜀之資陽人累葉以富顯隱君熙寧初挈貲遊

南平顧膏腴可取遂家榮懿自是貲產盛甲一鄉孺

久及笄隱君謂家人曰四子一女吾何憂女聰慧當選所宜歸先是尤大父諱言亦至自武信與隱君產業相頡頏人目爲趙牟久之兩翁相謂曰資與武乃枌鄉今在異縣蓋講好焉隱君以之才有文行納爲贅壻旣而更治第俾得自如其實連墻若一家逮析產視兄弟一無厚薄父母之愛篤矣孺人處榮懿舅姑處新市相距一舍旦暮未嘗廢起居禮其可奉甘旨者榼致籃攜婢僕馳送殆無虛日舅死畢喪葬念姑髮已鶴迎養於家奉事不忘始死送終禮益厚孺人之夫天資灑落無鄙吝態客至未嘗稅駕杯盤森

列實孺人內助故不勞咄嗟孺人年踰三十夫死男女幼稚族黨有爲勢位者所撼議以再適孺人守義甚堅議者沮縮妾袁氏初亦欲求去孺人令終制乃嫁之此人情所難者媿居四十年冠昏喪祭供輸餽贖各得其宜逮今阡陌連綿不失尺寸是雖肯堂者能立實自孺人遺訓耳至若延士以訓子孫種德以厚基本孤貧知恤內外加敬此里閭知之甚詳因不復錄孺人享年六十有八卒於正寢實紹興三十年四月十八日也生二子曰允曰允業進士舉功名遲速未可量二女長適進士牟蕢先孺人十年卒次適

進士牟蕃後孺人三年卒孫男三人康國康朝康世  
疑疑可喜孫女五人充允弟兄卜以乾道元年十月  
甲寅遷孺人於輕難壩良山下實耐葬也謹爲之銘  
曰爲婦以孝爲母以賢有一於此名胡不傳兼而有  
之奚以銘爲德全名著固無足疑銘之謂何久而不  
磨傳者益遠知者益多

縣江志

國朝

遵義縣

知縣唐廉妻黃氏 氏父母與廉父一元避兵亂來  
遵母病危以幼女託一元撫養後以賢因聘爲廉妻

勤慎端靜。舅姑所使。書灌園議酒食。夜紡刺。佐廉  
誦嘗曰。大丈夫思自樹立。舍黃卷。別無路。奈何不勤  
也。及廉宰鄆。氏奉姑就養。凡飲食沐浴。舉不假手於  
婢。躬侍廁滌。無難色。姑病篤。刲股以進。姑在署。沒  
哭甚哀。夢姑謂曰。吾死數也。兒清貧。臥室窗下。金我  
所儲。往取作數日費。明往探果。然廉宰陽曲。邑號難  
治。治者每敲扑。見長氏曰。律已貴。嚴用法。貴寬無庸  
效酷吏行爲。上官媚長子。義伯令陽江老。不就養時  
寄書。惟以學爾。父做好官。愛百姓。勿枉取分釐。敗爾  
父清白聲爲囑。嘗以廿金買婢於厨下。見婢語及其

父顏戚然卽召其父授以券不責其值卒年七十九

採行  
狀略

知縣唐惟安妻陳氏

知聊城縣至誨女幼嫻壺教

父授以經史於古今體詩文皆能之惟安詩所謂山

妻賢且才圖書互相考者也惟安長於庶母蕭事蕭

至孝氏亦媿婉承奉無稍拂子銀銖金竝以積學聞

得氏母教爲多惟安季弟惟格學于氏氏卒惟格曰

嫂吾師也爲心喪云

採敬  
亭集

韓登聯妻王氏

事姑盡孝府縣旌曰孝婦之門聯

病氏割股救之獲愈孝義兩全鄉人嘉之

陳志

羅立堂妻陳氏 年十七夫死引刃幾危夫之祖父  
泣謂曰我家三世單傳吾子死今孫又死無出新婦  
何忍再死以重我悲耶乃曰新婦誠不可死敬聞命  
矣誓苦守夫祖父哭子孫喪明氏就養無方祖每歎  
曰使我有目其孫婦乎及沒喪葬周慎覺子立與  
姑相依乃請於姑以甫周從堂姪爲嗣撫之成立乾  
隆四年題旌通志

貢生譚允文妻李氏 世瞰母也通經義史事允文  
早死氏哭之三日不食世暄率弟瞰暉奉膳前跪而  
請氏曰吾不食也若等起暄曰母不食兒不起也氏



曰若等強吾食亦有知吾意者乎暄曰大抵以吾父  
早沒故耳氏曰不惟是瞰跪而前曰母特懼父沒後  
兒等此一卷書不能慰母心耳氏曰然暄兄弟乃泣  
誓曰母但食兒等有不念光父業慰母志者有如此  
食氏乃起而食躬教三子慈嚴備至三子亦皆承其  
教無稍違瞰入翰林氏寓書語不及家惟敦勵以父  
純厚及古賢出處附詩云今朝雁塔喜題名遙囑兒  
曹戒滿盈立志總期成大業莫因一第畫前程後瞰  
以母老擬告歸氏聞之不喜寄詩云爲子爲臣不異  
情自來忠孝本相生但須圖報君恩重盡得忠來孝

亦行礮卒歸養氏壽至九十六歲乾隆庚子卒

世礮自序

庠生張鑑繼室李氏

氏歸鑑時鑑已與兄析居有

繼姑年七十無出而性復獨居自爨氏請於夫曰子娶妻爲養也而令老母親薪水之勞其何以堪子母陷于不孝婉請姑就養卽自今日始甘旨勿與兄家較也自此氏先意承志姑輒生嗔後遂親愛無間鑑年四十死手植一牡丹園中姑見卽悲號竟日樹爲半枯氏刈之曰吾不忍令姑見也姑年九十餘臥病氏置牀榻前一夜數起親滌臉廁進湯粥不令人代曰吾不以一食之簡負亡夫於地下事姑三十年

如一日姑死既葬乃卒哭曰吾所矢於亡夫者畢也

教子汝霖汝震寬而有法年八十四卒

採家譜

周毓泰妻王氏 所師妹道周媳幼嫻婦儀夫死時

氏年二十四遺二子莊芳家赤貧授二子經紡績佐

讀令莊成歲貢芳入邑庠事翁姑孝道周病脾濕姑

趙亦衰病朝夕倚氏如手足氏奉事益謹毫無怨怠

後喪葬並盡禮生平以未亡人不妝澤不往鄰戚慶

弔壽六十一歲

公舉事實

庠生徐錫鬯妻沈氏 氏通詩文識鳥音年三十夫

沒遺三子淵泰準家業蕭索氏食女紅自教三子常

帖要來沒飯吃還不苦讀書於壁上勵之後三子俱

成名封恭人卒年七十一

採家譜

監生唐銀妻杜氏

舉人謙女歸唐後家貧氏拮据

供事能得兩世歡銀早卒氏絕而蘇顧諸子曰殉夫誠吾志第汝曹失撫必不能立是非吾夫意遂躬教之若嚴父井曰睦圃事事身之常食菜粥衣破衣不受親戚卹也長子洪一日廢學氏泣而責曰爾父臨終時語爾弟小或不記爾便概忘之耶似此不才何以處我責已復泣洪因率諸弟學益力後洪食廩餼淮入庠氏乃有喜色洪教於西里學子家具酒食雖

固請未嘗一至其門

採家譜

舉人李鳳翱妻聶氏

文啟五世孫性溫厚姑病恍

惚竟日詈之甚則筆楚每急不能避則以身受毫無

忿怨姑病連年至不能行動凡起居飲食必親奉之

鳳翱館于外氏代事兩世能得歡心夫祖五子以次

就養每至其家輒喜曰孫婦所辦適吾味真能事我

後每值夫祖父生忌家或玩忽氏必記之奠獻必墮

淚平生不妄笑語晨卽起洒掃門庭衣無新舊必親

浣濯教子孫必以嚴正至老見客終不踰闕每坐必

理麻年八十無恙卒時麻猶在手其子桂山妻羅

氏能繼其賢，蠶性好潔，凡園蔬非羅手擇者不食也。勤儉善積，家經吉凶事幾三十，皆能措辦。子爲作宰，後猶衣補綴布衣。卒時命爲曰：我舊紅衫，爾曾祖製以娶我者，死必先衣。此年七十卒。

採家譜

知州張極妻周氏，歲貢寬女。幼卽知禮法。年十九，于歸時極方補弟子員，家貧隨父館於外。祖姑李年八十，始李抱弱病，服食之宜，寢興之節，檢方調藥之勞，鍼劑刀尺，鮭菜米鹽之細，皆以一身任之。兩姑病或甚，則衣不解帶，拮据勤勞十餘年。如一日。祖姑嘗語人曰：得新婦，吾忘吾兒孫之苦，耕于外矣。其得歡

心如此極之官直隸祖母已前卒父母竝在堂以母病不敢迎養在官恒鬱鬱不樂氏聞之寄語曰國事惟君家事惟我君忘爲秀才就館時耶後姑年高飲食不能自持非氏奉之則勿進凡事先意承志類古孝子極遠宦十七年而衰親得無恙者氏之力也壽六十七子書紳書巖皆舉人

胡枝撰傳略

周紹烈繼妻李氏 氏適周未及旬前妻子得危疾氏割股和藥救之卽愈後至二十六歲死氏又撫其

子成立卒年八十一

公舉事實

李崑元妻羅氏 歲貢毓安女崑元幼喪父家無立

錐地氏歸李甫二載生一女其夫卽染惡疾時姑老夫病女幼仰事俯育惟資十指將十年姑沒氏殯葬如禮其夫疾愈劇身腫目瞑兼飲食必酒肉氏竭力營辦紡織恆徹夜又十餘年夫沒亦殯葬如禮女嫁後破屋數椽孤居自食力有富翁聞其賢欲娶之氏弟閱其孤苦婉勸諾氏嚴拒之復孀居三十餘載卒

年七十四

公舉事實

邵光先妻李氏 年二十五夫死無子夫故貧亦無兄弟氏誓事舅姑終身舂鉏紡績拮据以養旋姑死舅續娶生一子月餘而舅死又月餘姑亦死氏抱孩



叔乳於人力作酬以月值暇卽往視後哺者意懈叔漸瘠氏歎曰是翁姑一綫傳也若此奈何涕泣負歸調飴乞乳撫以長立爲之完娶使家少有年八十七卒

知縣黎安理妻楊氏女鄭文清妻 氏生而賢父鈞慎擇壻以妻安理安理家赤貧少常芒屨短衣逐市負販氏兄弟咸怨鈞鈞笑曰此卽所謂能忍辱必能幹大事者也氏旣歸淑而能貧安理歲館穀于外兩世在堂侍奉惟氏賴繼祖姑夏悍極夫耄不及事因挾遺產與居別安理居于外竹棚際壁上寢下炊氏

安之無怨色有一味必手進祖曰孫婦賢也夏曰汝  
老如小兒惟喜得人食也姑積勞病哮喘有年甚則  
常數月夜不可上榻氏亦數月侍于畔姑語亦語姑  
起亦起姑惡病苦甚一夕竊索頸求死氏驚抱而泣  
姑亦泣自是稍稍愈安理少及次弟隨父館青城弟  
逃以爲死矣經四十年二子俱侍安理教永從一老  
者至門作蜀語稱尋兄來觀者俱互不相識氏細詰  
以兒時及見人泣曰是叔也乃爲娶妻與同居叔又  
遷之興義妻子盡死復來歸氏待之如故一猶子不  
慧生數月父卽私出依氏長大與婚配迨安理致老

爲兩弟家置田宅叔願依姪終氏告曰叔鰥老終死  
然使有子死不愈于鰥死乎更爲之娶使就室逾年  
果生子其猶子就耕也人豐年彼無獲賴氏憐之獲  
飽煖以死子恂宰桐鄉迎養雷數月卽歸斤竹溪左  
右多門下生至是半頽白稱老人時縛雞攜養餌來  
過見摘蔬則摘蔬見行圃則行圃絮語家常如母如  
兒每至夕遲遲不忍去曰吾無母見宜人見吾母耳  
其慈祥如是然卑行苟拂教卽怒斥不稍假夫息雖  
貴終身惟見服布衣無一時手無業卒年七十鄭珍  
碣第三女適天旺鄭氏賢淑酷似其母其王姑年八

十食飲眠動非得之不怡逮別居王姑曰長孫婦善  
我事彼居乎我依事之乃益謹噫噫欠悉知之先  
舅臨終泣謂媿長婦孝後家落又里氛惡甚謂是互  
鄉非居子所乃偕夫東徙斤竹溪上依母家自力衣  
食常曰人雖窮禮不可不富禮不富則真窮也每祖  
宗生息及四仲無或忘薦必潔親賓之來倉卒具亦  
辦衣飾盡于課兒慈祥及于乞者溪東西居人咸稱  
鄭家三姑藉藉三姑賢每出見者咸趨進起居三姑  
咸願得三姑過其家老者無不親少者無不肅教諸  
子切近篤實無華俗見子珍撰母教錄述訓語甚備

云婦人舍言容功無尋德處言止柔聲下氣容止穿飾整潔功則鍼帶紡績酒漿菹醢終身不能盡足括女誠女訓之蘊他于立身持家涉世之道亦邇譬曲喻蓋女宗而有儒者風云道光二十年卒年六十五

莫友芝撰墓誌略

知縣張自信妻李氏 諸生世雄女三歲而孤事循母教歸張時翁姑皆年六十餘氏奉起居飲食靡不極謹姑病脾泄氏扶持浣濯者三年無怨色姑病中力命自信試禮部氏曰是不可從也未久姑果卒其在夫署也日不廢績紉于內宅置竈別炊令諸女女

紅暇習刀砧烹飪時率奴婢鋤荒地種蔬以自給訓諸女曰厨事無他巧一熟一潔而已常以仕宦家婦女閭內外無別爲戒在署數年外僕多不識其面生平不令三姑六婆往來不延巫不奉佛嘗謂巫邪教近之只多釀事佛苟遇善人不念經禮懺亦獲福平居謹言笑終身不作一妄說閒談人多以爲口拙至訓子孫則娓娓中條緒與兩嫂處數十年無一毫猜忤年六十七卒

闕狀略

張模妻何氏 氏歸模模以貧常客于外惟姑羅在

堂氏日勤紡績補苴米鹽事求得姑歡姑年益衰飲

食出入氏必躬親雖有子婦不令代也姑病危忽張目作神語曰爾數已盡念爾婦割臂誠延三歲舉室惶然詢氏則臂上刀痕猶新姑越三年果卒子書林孫仁鯤仁鸞並中鄉試

公舉事實

吳朝用妻李氏

鳳翽孫女姑張守志撫朝用而早

死時氏年三十一懼益傷姑心夫死卽不哭後張爲兩孫覓衣見李枕被皆淚濕而泣始對始一痛號張性勤李善承靡不至家用常缺張問之必曰有凡張飲食衣服必躬浣具兩媳爭代之李曰老人性情非若曹深知卽能代我心終不似也鄉里中凡婦不孝

者咸舉吳家婦媿之云卒年六十七

公舉事實

正安州

申光祥妻韓氏年二十五夫亡夫病時謂曰我病且死爾又無出其改適氏曰君病當愈無妄言萬一死翁姑尚存叔又小誰當養者誓不出申家門也夫亡後翁姑憐其少諭以再醮親鄰亦再三勸氏不稍動家故貧翁常小販出姑病不仁動履惟婦恃家事無大小皆身之夫弟三人漸次成立經紀婚娶翁姑不勞甚于子在時姑沒翁娶繼姑氏孝養如一婦兼子道嫂任兄職一庭和睦四世同爨鄉人競稱之道



光十八年題旌

題旌冊

仁懷縣

庠生許爾熾妻卞氏

舉人貞女爾熾家故貧其姑

繼姑也其舅與爾熾筆耕氏多方補給舅與夫相繼

死氏無子念經紀兩喪畢以身殉鄰里有知者姑始

感動泣諭曰天禍我家極矣若媳死顧汝叔爾熾甫

三歲爾熾甫八月汝遽忘汝夫臨終以我及諸孤屬

耶諸姑叔亦牽衣環泣惟恐氏旦夕棄之氏念夫遠

屬且痛夫無後乃起視家政一切獨肩每事承姑志

教諸小姑以針黹女訓擇賢門嫁之視兩叔調護惟

謹而爾熾自在襁褓氏卽含哺之爾熾亦依卞若慈  
母出入必隨稍長延師以教積十指之勞以供館穀  
偶見兩叔輟學或稍踰規矩輒改容責曰汝兄嘗舉  
先訓謂人當務實學敦古道今責在兩叔若陷爲輕  
薄子不如無也煩熾俱未冠爲諸生食廩餼氏爲娶  
名門作娣姒雍雍肅肅見者敬焉爾熾旣生子請嗣  
嫂氏曰人家爲財產立嗣至于爭訟可笑我家貧無  
慮此但必告祖宗通親族正名義于始而後可爾熾  
從之事始至七十八歲始卒喪葬盡禮乃泣謂兩叔  
曰今庶了我事可見汝兄地下矣初爾熾死時殘書

數篋外無儋石儲氏紡績織紉黎明而起夜深未息以貽其子或稍有積餘卽分諸孤寡之貧者每曰與我同病必相憐也年七十卒朱佩蓮撰傳略乾隆二十五年

題旌

冊題旌

監生袁洪秀妻趙氏 氏年十五歸袁生十子夫亡

惟始在氏謹甘旨慎扶持夜則溫被晨則溫衣數十年無間姑年踰八十氏亦六十餘姑臨終執氏手而泣不忍訣姑卒自斂及葬事必躬親哀禮兼至氏少讀書子皆親授亨儒蘭儒皆成諸生嘉慶壬申癸酉赤水里大旱氏命諸子賑活十九年八十三

公舉事實

壽婦附

李童氏 遵義人道光七年年百有三歲五世同堂  
巡撫嵩溥題奏八年給與旌表格外

恩賞銀二十兩上用緞一匹

何金氏 仁懷人捐職從九品何淮妻道光五年年  
九十七歲五世一堂巡撫嵩溥題旌

並題旌冊

貞烈

遵義縣

明

楊護妻田氏

通志護作護誤

永樂間護自京歸卒於途田

氏聞之哭泣不食暨柩至自經死有司以聞旌其門

曰貞烈

明統志遵義府列女

周鎮妻汪氏

郡人幼通經史能詩鎮歷功陞北直

遵化參將偕汪之任崇正末大兵入大安口鎮戰死

之汪聞變洒血作雉經歌八章偕姑及夫妹投繯自

盡闔室俱焚事聞封墓贈祭

陳志雉經歌云有君有君

真聖明曰堯曰舜非虛聲天之方蹶眾泄泄不陳利  
害羶功名譁自譁兮汰自汰一朝戎馬悲空城嗚呼  
周郎兮敢浪戰欲安社稷輕其生可憐熱血膏原野  
願叩我皇監此誠有姑有姑蚤孤孀老喜有子登廟  
廊十年膝下一相見倏驚禍變成參商倚閭滴盡望  
兒淚誰共雞鳴問北堂嗚呼周郎兮子職傷方陳桴  
鼓已先亡白頭青鬢今古飲恨重泉爲大綱有父  
有父七十餘課兒勤讀壺儀書綠窻難嫁囊如洗自  
甘彈鋏食無魚傳家清白惟忠孝狗走雞飛原婦道  
嗚呼周郎兮事可傷先驅執殳委東床養女一生此

長別終天之恨魂茫茫有母有母病且沉眼中骨肉  
斷我心幾迴哽咽不能語滿耳悲笳漏轉深只緣素  
受閨中訓一寸貞腸等石金嗚呼周郎兮未亡人誰  
嘗湯藥誰溫存榻前步步數逡巡四顧悠悠夢裡尋  
有兄有兄望眼枯鶻鶻聲斷雁行疎空懷壯略休嫌  
蹇請看塞翁失馬圖平生勉作洗家婦否則當年曹  
大姑嗚呼周郎兮負兄多奈今妹氏永別何勉思菽  
水承歡事養女終須嫁丈夫有嫂有嫂淑且賢暮暮  
朝朝十八年女紅織紉持家計荆布蘋蘩儉克先曾  
許歸寧今未得遽驚陸地浪滔天嗚呼周郎兮戰不

還妹有死所非所憐初七下九莫重憶他生還結此  
生緣有夫有夫婦所天天不天兮訝斷絃漆室之女  
尚憂魯杞梁之妻淚何乾漁陽城邊血已碧龍武軍  
前肉未寒嗚呼周郎兮方少年蓋忠自許在生前萬  
古倫常須共肩頃刻相從到九泉有子有子纔兩月  
眼動眉舒口欲說未向閻羅問歲華遭逢不偶地天  
裂忍將肝胆摘西東完得母恩失婦節嗚呼周郎兮  
嗣已艱僅此一脉望周全丁寧不盡兒休哭頃刻床  
頭起暮烟詩義

羅氏 郡人失其夫名夫被賊殺羅罵賊死奉



旌表

庠生王治民妻都氏 郡人丁亥流寇陷遵治民率

家口避居湄潭之葛蒲場遭亂兵虜掠殺其子及僕

據氏及婢欲污之時氏年二十七與其婢罵賊而死

並陳志

國朝

庠生劉漢鼎妻張氏 漢鼎遭亂爲兵所殺氏年二

十五營弁欲以威劫之氏聞語其弟曰夫死義不獨

生况又有外侮乎遂閉戶自經陳志遵郡紀事庠生劉

漢英妻張氏順治十八年夫死於賊有營弁欲強娶

之氏攜其子登樓而縊其子牽衣環泣哀感鄰人當道旌其門曰節烈子

後籍雲南中鄉試

按漢鼎漢英未知孰是

劉之徵妻李氏之徵官部曹時吳逆叛氏自家往京師至澧州適賊軍猖獗不能進退將幼子避古寺中恐終不免賦絕命詞八章征塵萬里似風遙逐水橫沙鬢已消愁魂若認歸鄉路好向高堂問母勞愛河風浪駐淨光鏡蝕鸞殲未可傷便使百年能畢願荒阡總欲葬鷺鷥北雁南來斷楚烟傷心死別已經年相逢便有金臺夢難向春山認杜鵑何事低徊倍

慘然蚩蚩繞膝最堪憐  
桃花結子春難駐  
一夜東風掃業緣  
天籟隱約喚江濤  
寂坐無聊讀楚騷  
句江濤雨鳴咽  
愁人那更雁聲高  
共道明朝是上元  
銀花火樹擁千門  
蕭蕭古廟無人迹  
惟有殘燈泣暗魂  
向疑身是夢  
中身入夢尋身何處尋  
今日身亡惡夢醒  
始知身夢兩無因  
昆池餘劫碎嬋娟  
敢惜微生倖瓦全  
撒手臨風還一笑  
青山何處覓黃泉  
遂自盡詩義  
羅兆牲跋絕命詞云  
寒夜酒闌抽得尤悔菴祭吳司成文爲護  
惜慨久之忽于爛書縫中檢出劉烈婦絕命詞八首挑燈疾讀淒風挾敗葉投窓撲撲如鬪

窻外月色昏慘似黯面擁啼者予亦不知淚之沈瀾  
下也因撫几太息曰死生之於人大矣哉司成之出  
向不可已者雖有文海之薦尚無亭羅之逼卽逼而  
斃亦易耳今不戢身一棺乎奈之何竟抱無窮之恨  
也絕筆有云丈夫遭際惟身受畱取軒渠付後生亦  
重可悲矣若烈婦則鏡雖破而可合身雖陷而不辱  
人不以死律之死不以時迫之也乃斷斷必出于死  
蓋恐少或牽延有死不成其死者其勇決之至政從  
容之至也詩中憤血凝碧如三峽斷猿而身亡夢醒  
撒手臨風等句且照徹身因翻涕爲笑豈兒女子喞

喟語耶梅村天賦絕材揮灑充棟恐難與共爭千古也烈婦子淳品學遂茂與予遊每言母輒泣下另有傳述就難原末予讀是詩已感而筆之以遺淳竝寄予友樊崑來方坐史館若烈婦者其可不知乎

鹿遊文集

按之徵通志選舉作之珍此從劉氏後人試卷履歷據兆牲跋文李氏死難其子有傳述原末今散失無考又據郭之翰序劉氏脩瞿曇寺碑知劉氏自蜀樂溫遷遵今之徵及子淳墓皆在平水里幹莊大壩通志之珍數勇人淳黔西人竝據試籍

王巡妻何氏 流寇入遵氏避亂於豺狗坪賊突至

強挾以行伏刃死

通志

張問明妻胡氏

因強暴強汙不從被殺雍正八年

巡撫張廣泗題旌

吳琪妻許氏

年十六適琪事霜姑孝琪沒於外氏

年十九聞訃痛號兩晝夜遂絕食投繯死

並陝志

陳尙義妻石氏

吳逆之亂偕十四歲女避難爲賊

所逼相攜赴水死

通志

羅貞姑

彌素女許字喻能元未婚能元死貞姑時

十七歲聞訃奔喪守志不返孝事翁姑婦兼子職撫

姪爲能元後守節三十九年乾隆二十八年題旌

薛郭氏 適邑書吏其姑多病供侍十載未嘗一至  
戚家後夫死無子繼一子撫之逾一載父欲奪其志  
期定來告氏曰不幸不獲諒於親命也夫潛泣於夫  
之靈姑之旁者三日遂自縊

鄒德炎妻李氏 農家女年二十適同縣業縫者生  
子女各一夫挈之及其弟移蜀未一歲夫死李矢志  
撫孤其弟陰受賄欲強奪嫂志議已定李覺度不免  
佯自若乘其防疎自盡

並公舉事實

游貞女 父雲龍諸生母陳氏聊城令至誨女貞女  
通孝經女史大義性莊靜寡言笑雖童稚如成人幼

字桐邑舉人陝西白水令楊鍊子某雍正十一年某以疾卒於父任女時年十四訃聞大慟請於父母曰大人既納楊氏徵是女爲楊氏婦矣願終身守志父母允之會有望族欲委禽父母欲卻之而戲謂女曰將爲汝納采女遂投繯婢驚救復甦自是無敢言者迨其翁解組歸爲子營葬乃白父母往祭夫墓淚血交迸哀感行路遂畱楊氏不歸侍養翁姑克盡婦道後翁姑相繼沒醫藥含殮及窆窆事女於哀毀中無巨細皆力疾經營莫不如禮弔者皆嘆息去時楊氏無可嗣者女獨居形影相弔父母憐之曲諭始歸坐



卧一室足不出戶外父母老多病女不解帶不交睫者數年如一日母病危刲股以進母旋獲愈後父母卒勺飲不入口者五日幾至滅性自是益無所依乾隆戊戌年五十有九疾革嘆曰予今日可以告無愧於吾夫子矣遂卒

王恆撰傳

魏寅姑 四歲喪父十四歲字余某某出外十年不歸母欲改字之寅姑曰渠有母在無不歸理卽終不歸我當待之百年耳嗣某母亦死母私改字之寅姑聞乃縊死時二十七歲

廖貞女 字梅氏子未婚客死女矢志不再適年七

十八歲卒

楊長姑

字黃姓子未婚黃死長姑父母亦早亡誓

不再適依兩弟終其身年八十一歲卒

並公舉事實

正安州

國朝

王正姑

咸宜女字曹氏子仁未昏仁沒正姑守志

不改適雍正三年題旌

張秀姑

康熙三十四年題旌坊建州署外今圯事

實不存

羅康氏

九碕溪船戶某強姦不從勒斃棄河中氏

時年甫十五乾隆三十六年題旌

並州志

桐梓縣

明

梁郁山妻冉氏年二十二夫死姑欲奪其志氏知之乃佯言歸家至中途登虎跳崖上下相去千尋泣乳其子命婢負之以衣掩面墜崖死其身不損

楊之瑤妻何氏夫死何年二十二女甫三歲子五月誓不再嫁有豪悍欲娶之氏度翁姑孱弱必不免遂仰藥死

並通志

國朝

趙貞女

未婚守節白首完貞

李長姑

字鄧姓父母後厭其貧別字之長姑不從

將逼之嫁矣乃雉經死

楊烈婦適綦江李氏

年二十六其夫姪潛入內調

之楊怒號姪逃去以事白之嫂嫂反詬楊因縊死道

光十三年以捐軀明志節烈可嘉題旌夫家不樂有

此婦令建坊母家今坊在婁里

並公舉事實

綏陽縣

明

何大妹

許字未嫁婿出不歸父母改字之給以壻

歸迎娶至中途大妹覺奪從人佩刀自刎天啟間賜坊旌表

劉漢儒妹 漢儒邑庠生妹許字都勻教授熊文豹季子隨父之任值綏地兵亂有偽總兵王祥招安官李本直者欲強娶之自縊死

黃氏女 父文艷庠生女年十四順治丁亥冬賊姚黃韜寇綏陽文艷攜家避山箐中賊搜箐驅文艷出擊以刃女抱父號哭賊捆置馬上女罵不絕口賊殺之

熊氏二女 長年十六次年十四貢生文豹女值兵

亂家人俱逃二女義不受辱登樓對縊死賊嘆息去

並通志

國朝

韓壽姑 向廷賡撰傳韓氏壽姑綏陽庠生嗣昌女

許字庠生任珩長子先型年及笄任氏子病廢未婚

一日壽姑晨起烏環鳴不已駭然曰若人死矣訃至

號泣幾不欲生遂裂婿家所送白布封髮父母欲改

字他姓悲泣不從乃歸壻宅哭拜壻墓事翁姑以孝

聞今年三十八癯然一老處子正安學正王咸宜女

正姑字舅氏子正仁未婚仁沒正姑守志一十五年

川撫軍蔡珽以奇節題請建坊壽姑節同正姑而竟  
泯沒于鄉村哉

張睿妻王氏 幼聰穎通詩書年二十而嫁未期夫  
死題絕命詞曰自尤妾命薄如箋暫賦桃夭失所天  
未老姑章還有托綱常豈獨讓人先遂以身殉知縣  
陳詢表其墓曰張烈婦之墓

梅氏 家貧許字富室富人子薄之結土豪退婚  
氏父樸懦允之氏聞大恚以首觸柱家人持之得不  
死至夜自縊並縣志

仁懷縣

國朝

袁大姑 不知其父母夫家道光十八年溫水之亂賊四掠婦女大姑與羣婦逃避山谷一賊突至見其少美強搜之大姑給以願隨去甫釋手大姑飛刃擊之中其顛賊奔呼羣賊至則已自刎事平尸未腐鄉人葬之

公舉事實

遵義府志卷二十六